



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 480. De Siwardi seu comitis Sigefridi traditione, referenda ad bona in Aewerlan et Hiadanoson intra pagum Logne.

**urn:nbn:de:hbz:466:1-36114**

§. 477.

Tradidit arnald pro fratre suo ludolfo L iugera in *ociffelde* et V mancipia et I iurnalem (w).

et guber-  
nante  
Corbe-  
iam  
Drut-  
maro.

§. 478.

Tradidit hogerus in *dikeffen* (x) X. iugera.

§. 479.

Tradidit thiadricus pro filio suo bern in *rotbe* (y) XXX. iugera et I. mancipium et VI. mancipia.

erp tradidit pro filio suo frederico in *sulugun* (z) LX iugera et I iurnalem.

§. 480.

Tradidit siuuard pro filio suo thiadmaro I mansum in *acnuerlan* et I in

- (w) Villam *Ocisfelde* insertam fuisse pago *Northburingi*, indicat Saracho abbas in Registro. Designari oppidum *Obisfeld* in ducatu Magdeburgico ad Aleram fluvium neminem facile negaturum putamus. *Arnaldum* eiusque fratrem *Ludolfum* inter Saxonie nostrae nobiles esse referendos, patet ex eo, quod *Arnaldus* tenuit mancipia, id est, homines, quos tradidit ecclesiae Corbeiensi ad annum censum dandum, quemadmodum ex Registro Sarachonis saepius laudato patet. Hereditum fuisse *Arnaldi* illa L. iugera Corbeiensibus data, nemo non perspicit. Alodia tempore regum Francorum possessa fuisse ab *Adelingis* seu nobilibus, et ab ipsis monasteriis, id ipsum e chartis nostris patescit. *Liberi*, qui non erant *Adelingi* seu nobiles, a statu autem seruorum seu mancipiorum exempti, tenere quidem possessiones hereditarias. An autem eae fuerint ab omni nexu ita liberae ut liberi homines eas pro arbitrato aliis tradere potuerint, tantisper dubitamus. Insuper hi non raro in chartis appellantur homines *liberi*, qui propriam non habent, item *liberi pauperes*, qui propriam terrarum possessionem non habent. Nec, quantum scire datur, vllum exstat documentum literarium, quo demonstrari possit, homines liberos possedisse mancipia, id est, seruos et ancillas. *Arnaldum* itaque habemus pro *Adelingu* Saxonie nostrae. Videtur eius pater fuisse *Ranwardus*, de quo confer §. 394 dicta.
- (x) Ad pagum *Leri* spectasse villam *Dikeffen*, docet nos abbas Saracho. Circa monasterium *Wildeshufen* existisse pagum *Leri*, iam supra ostendimus. Quoniam autem in loco reperiunda sit villa *Dikeffen*, nondum indicare videmus. *Hogerus* an fuerit filius *Bardonis*, de quo supra §. 392 comites *Hojanos* deduximus, id in medio relinquimus.
- (y) *Thiadricum* bona quaedam, ad villam *Rotbe* sitam tradidisse anno MXXIII ipse cum filium suum Deo ad reliquias S. S. martyrum *Stephani* atque *Viti* offerret, patet e Chronico nostro MSpto et coetaneo. In eo ad d. a. haec verba leguntur: *receptus est in monasterium Bern filius Thiadrici nobilis*. Ad quam autem familiam relatus fuerit ille *Thiadricus*, patescit e villa *Rotbe*, quam Saracho abbas refert ad pagum *Auga*. Haec dudum desolata est; olim vero existit vix duo millia passuum a nostra Corbeia in loco, vbi adhuc appellatur campus, a villa nostra dictus *am Robr* seu *Rodenwege*. Multa hic haberemus, quae dicere possemus, si esset locus. Eadem villa postea fuit in monasterium conuersa. Referuatis autem illis ad Historiam nostram Corbeiensis, putamus, neminem fore, qui neget, *Thiadricum* ad progenitores *Euersteinensium* comitum spectasse, fratremque fuisse comitis *Chuonradi*, de quo vide supra §. 104 not. (n) exposita.
- (z) *Sulugun* villam refert abbas Saracho in Registro ad pagum *Almunga*. Hunc in episcopatu *Paderbornensi* ad flumen *Almam* existisse, iam supra indicauimus. Quinam autem locus denotatus sit, id later in obscuro. Interim confer, quae supra sunt dicta §. 400, vbi mentem nostram aperuimus de *Erpone* eiusque filio *Frederico*.

De villa  
Ocisfel-  
de in  
pago  
North-  
thuringi-

De villa  
Dikeffen  
in pago  
Leri.

De villa  
Roche  
in pago  
Auga.

De villa  
Sulugun  
in pago  
Almun-  
ga.

Uuu u



Ab anno 1014 vique 1037 regnante Chuonrado II.

in *hiadanofon* (a) et I. locum filuaticum et II. mancipia.

§. 481.

uermūd tradidit pro filio suo conrado I. mansum in *radirinbus* (b)  
uermūd tradidit pro filio suo branthor I. mancipium in *aenefi* (c).

§. 482.

balding tradidit pro filio suo reginmaro I. mansum in *witmeri* (d) et V mancipia.

§. 483.

De villis *Æwerlan* et *Hiadanofon* in pago *Logne*.

(a) *Æwerlan* et *Hiadanofon* villæ erant in pago *Logne* sitæ, teste Sarachonis Registro B. et P. A. C. *Hiadanofon* esse videtur *Heddenbusen*, in præfectura *Hardefen*, locus in principatu *Gottingenfi*; an vero sit *Æwerlan* et *Elkershusen* sint idem locus, situs in præfectura *Fridland*: An *Ellersbusen* subaudiatur in præfectura *Munden*, vel *Eljehusen* in præfectura *Harste*, vel *Eluese* in dynastia *Hardenberg*, vel *Eluernihusen* in dynastia *Adelipsen*, id in medio relinquimus. *Swardum*, qui hæc bona tradidit, fuisse comitem *Sifridum* de *Northeim*, patet e *Chronico* nostro MSpto, in quo ad annum *MXXIII* hæc verba leguntur: *Thiatmarus, filius Sigefridi comitis, receptus est in monasterium* confer de illo supra §. 104. not. (l).

De villa *Radirinbus* in pago *Itergowe*.

(b) *Radirinbus* fuisse locum pagi *Itergowe*, refert *Saracho* in Registro. An vero designetur *Rhene*, vel *Ratler*, vel *Renegge* in præfectura *Eisenberg*, vel *Radern* in præfectura *Lichtenfels* in principatu *Waldeccensi*, vel *Rengershausen*, vel *Ronnekaufen*, vel *Reueringhausen* in ducatu *Westfalæ* in terminis *Waldeccensibus*, id nondum definire licet.

De villa *Ænefi* in pago *Itergowe*.

(c) *Ænefi* erat, eodem *Sarachone* teste, locus pagi *Itergowe*. Intelligimus, designari vel *oberen*, vel *niederem* *Ense* in præfectura *Eisenberg* in principatu *Waldeccensi*. *Wermund*, qui hæc bona tradidit, probabiliter videtur fuisse *Verthumundus*, qui, teste *Vita Meinwerei* p. 535. n. 54. in marca *Calriki* bona quadam largitus est ecclesie *Paderbornensi*. De eo vide supra §. 216. An ipse fuerit factor nobilium dominorum de *Itter*, id in medio relinquimus. Interim reperimus haud procul a *Franckenberg* in *Hassia* quendam vicum, appellatum *Viermunt* ad fluuium *Adrinam*, hodie dictum *die Eder*, qui nisi esset villa *Fiermini* in pago *Hassia*, a *Verthumundo* nostro, seu a quodam progenitore eius nomen accepisse videretur. Id vero aliis perscrutandum volumus referuatum.

De villa *Witmeri* in pago *Hessi Saxonico*.

(d) *Witmeri* villa erat, *Sarachone* teste, sita in pago *Hessi Saxonico*. Procul dubio significatur vicus *Witmersen* haud procul a monasterio *Wormel*, quod est in *Paderbornensi* episcopatu. De hac villa loquuntur procul dubio litteræ, quas maioris perspicuitatis gratia e membrana addimus, sequentes. En illas.

Nos *Johannes* dei grā p̄ptus *Jutta* abbatissa et conuentus monasterii in *Wormilon* tenore p̄ntium recognoscim⁹ publice protestando quod nos de duob⁹ māsis sitis in *Witmare* et vulgo d̄cis *hafenhoue* ab honorabilibus viris p̄posito et uentu ec̄cie *Corbeyen*. in nos et ec̄ciam n̄ram translatis cum omnibus suis iurib⁹ et p̄tinentiis p̄ ut in l̄ris eorundem sup hoc editis et p̄fectis ac apud nos depositis pleni⁹ continetur annum dabim⁹ et debitam pensionem p̄soluem⁹ p̄posito et conuentui ante d̄cis videlicet singulis annis in festo *michaelis* unum talentum leuium denariorum et duos solidos grauium denariorum huxā. usualium et hi duo solidi *vochet pennynge* dici solent. in hui⁹ rei facte testimonium p̄ns scriptum eisdem dedim⁹ n̄ro sigillo roboratum. Datum anno d̄ni M. CCC. II. in vigilia lucie.

Ad quam familiam spectauerit *Balding* eiusque filius *Reginmarus*, qui in hac villa bona sua largiti sunt *Corbeiensibus*, non patet. Cum autem interim *Widkindus*, comes de *Waldekke*, in eodem loco bona possederit, vti intelligitur e diplomate eiusdem *Widkindi*, supra §. 104. not. (u) adducto, ad *Waldeccensem* seu *Widkindeam* familiam videntur spectasse, licet vinculum genealogicum nondum accurate ostendi queat.